

## **UGOVOR o nabavci robe**

Zaključen između Ugovornih strana:

**1. UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: Ugovorni organ)

ID broj: 4200494560007 i

**2. R&S d. o. o. Igmanska bb, 71320 Vogošća**, koga zastupa direktor Kemal Selmanagić (u daljem tekstu: Prodavac)

ID broj: 4200056290005

Broj transakcijskog računa: 338-900-2208510-172 otvoren kod UniCredit Bank d.d.

Ovaj ugovor se zaključuje na osnovu Odluke Ugovornog organa o prihvatanju ponude i dodjeli ugovora broj: 0101-5413-3/17 od 26. 09. 2017. godine, koja je donesena nakon provedenog postupka DIREKTOG SPORAZUMA.

### **I. PREDMET UGOVORA**

#### **Član 1.**

Predmet ovog Ugovora je nabavka robe **SREDSTVA ZA ODRŽAVANJE HIGIJENE PROSTORA** za potrebe i po zahtjevu Ugovornog organa, u skladu sa uslovima utvrđenim u Zahtjevu za dostavljanje ponude broj: 0101-5413-2/17 od 14. 09. 2017. godine (u daljem tekstu: Zahtjev Ugovornog organa) i ponudi Prodavca broj: 13612/17 od 19. 09. 2017. godine (0105-5518/17 od 19. 09. 2017. godine) (u daljnjem tekstu: Ponuda Prodavca), koji čine sastavni dio ovog Ugovora.

Prodavac se obavezuje da u skladu sa Zahtjevom Ugovornog organa, Ponudom Prodavca i pozitivnim propisima koji uređuju predmetnu oblast, vrši isporuku predmetne robe.

### **II. CIJENA**

#### **Član 2.**

Ukupna vrijednost ovog Ugovora prema specificiranim količinama i ugovorenim jediničnim cijenama bez PDV-a iznosi: 5.878,52 KM bez PDV-a (slovima: pethiljadaosamstotinasedamdesetosam KM i 52/100).

Ukupna vrijednost ovog Ugovora sa uračunatim PDV-om iznosi: 6.877,89 KM (slovima: šestihiljadaosamstotinasedamdesetsedam KM i 89/100).

Cijene robe obuhvataju sve troškove do isporuke robe na adresu krajnjeg korisnika: podorganizacione jedinice Ugovornog organa (paritet DDP krajnji korisnik). Cijene predmetne robe iz Ponude Prodavca su nepromjenjive za vrijeme trajanja ovog Ugovora.

### **III. MJESTO ISPORUKE ROBE**

#### **Član 3.**

Mjesto isporuke predmetne robe iz člana 1. ovog Ugovora je:

- Rektorat, Obala Kulina bana 7/II, Sarajevo,
- Centar za interdisciplinarnu studiju (CIS) i Centar za ljudska prava (CLJP), Zmaja od Bosne bb, (Objekat 33), Kampus Univerziteta u Sarajevu
- Univerzitetski tele-informatički centar (UTIC), Zmaja od Bosne bb (Objekat 33), Kampus Univerziteta u Sarajevu.

#### **IV. ROK I NAČIN ISPORUKE ROBE**

##### **Član 4.**

Rok isporuke predmetne robe je 24 (dvadesetčetiri) sata od dana prijema svake sukcesivne narudžbe robe od strane Ugovornog organa.

Isporuka predmetne robe će se vršiti sukcesivno u skladu sa potrebama Ugovornog organa, na osnovu pismenog zahtjeva Ugovornog organa.

Ukoliko Prodavac ne isporuči robu u skladu sa Zahtjevom Ugovornog organa iz specifikacije i prihvaćene Ponude Prodavca (oznaka proizvođača, naziv proizvoda koji se nudi kao ekvivalent, cijena itd.), Ugovorni organ će odbiti prijem takve robe, čime ne preuzima nikakve obaveze u pogledu plaćanja takve robe. Ugovorni organ ima pravo reklamacije robe u roku od 3 (tri) dana od izvršene isporuke robe.

#### **V. UGOVORNA KAZNA**

##### **Član 5.**

U slučaju kašnjenja u isporuci robe, za svaki dan kašnjenja do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

#### **VI. ROK I NAČIN PLAĆANJA**

##### **Član 6.**

Ugovorne strane su saglasne da će Ugovorni organ vršiti plaćanje isporučene robe u roku od (30) trideset dana od dana dostavljanja potpisane i ovjerene fakture/računa od strane Prodavca, za svaku sukcesivnu isporuku robe.

Faktura se dostavlja na adresu Ugovornog organa, Obala Kulina bana 7/II (Pisarnica), 71000 Sarajevo.

Prodavac je dužan da uz fakturu/račun dostavi otpremnicu, potpisanu od strane predstavnika Ugovornog organa i Prodavca.

Plaćanje se vrši po dospijeću na transakcijski račun Prodavca.

#### **VII. OBAVEZE UGOVORNOG ORGANA**

##### **Član 7.**

Ugovorni organ se obavezuje da:

- dostavi Prodavcu narudžbenicu za svaku sukcesivnu isporuku predmetne robe;
- izvrši kvalitativni i kvantitativni pregled i preuzimanje uredno isporučene robe, koja je u skladu sa Zahtjevom Ugovornog organa;
- da plati fakturu/račun Prodavca za urednu isporučenu robu, na način i roku utvrđenom ovim Ugovorom.

#### **VIII. OBAVEZE I ODGOVORNOST PRODAVCA**

##### **Član 8.**

Prodavac se obavezuje da:

- vrši sukcesivnu isporuku predmetne robe na mjestu i u roku utvrđenom ovim Ugovorom, koja odgovara karakteristikama utvrđenim u Zahtjevu Ugovornog organa i Ponudi Prodavca, a za robu koja ima ograničen rok upotrebe, isti treba da bude najmanje 12 (dvanaest) mjeseci od dana isporuke;

- izvrši sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije i sve druge usluge u smislu pripreme robe za prijem na njeno odredište;
- snosi sve rizike do konačnog prijema robe na krajnjem odredištu;
- riješi eventualne primjedbe predstavnika Ugovornog organa;
- ispostavi fakturu za isporučenu robu.

Prodavac odgovara za kvalitet isporučene robe i uredno izvršenje ovog Ugovora prema važećim propisima i standardima koji regulišu predmetnu oblast.

## IX. VIŠA SILA

### Član 9.

U slučaju više sile, koja potpuno ili djelimično, trajno ili privremeno spriječi izvršenje obaveza iz ovog Ugovora, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.)

Pod višom silom u smislu prethodnog stava podrazumijeva se događaj ili okolnost koji nije postojao u vrijeme potpisivanja ovog Ugovora, koji je nastao mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

## X. TRAJANJE UGOVORA

### Član 10.

Ovaj Ugovor se zaključuje do realizacije ugovorene vrijednosti ovog Ugovora.

## XI. PRAĆENJE IZVRŠENJA UGOVORA

### Član 11.

Ugovorni organ i Prodavac određuju slijedeće osobe za kontakt:

Ugovorna strana	Kontakt osoba	Kontakt telefon	Elektronska pošta
Ugovorni organ	Salhudin Gadžo	(033) 565-111	salhudin.gadzo@unsa.ba
Prodavac	Merima Maspopita	(033) 476-296	merima@ris.ba

Kvalitativnu i kvantitativnu primopredaju predmetne robe, vrše određene kontakt osobe Ugovornog organa i Prodavca, koji potpisom otpremnice o isporuci robe potvrđuju da je roba isporučena u skladu sa narudžbom Ugovornog organa i Ponudom Prodavca, bez primjedbi.

U slučaju da kontakt osoba Ugovornog organa, prilikom primopredaje robe, konstatuje da isporučena roba nije u skladu sa Ponudom Prodavca ili da roba ima nedostatke (u kvalitetu ili količini), odbit će prijem takve robe, te sačiniti Zapisnik o reklamaciji, koji potpisuju kontakt osobe Ugovornog organa i Prodavca.

U slučaju reklamacije, Prodavac je dužan da, o svom trošku, u roku od 3 (tri) dana, od dana sačinjavanja Zapisnika o reklamaciji isporuči novu robu odgovarajućeg kvaliteta ili zamijeni robu na kojoj je utvrđen nedostatak novom robom, a ukoliko to ne učini, Ugovorni organ ima pravo na jednostrani raskid ovog Ugovora i naknadu štete.

Smatra se da je Prodavac izvršio isporuku robe, danom potpisivanja Otpremnice od strane kontakt osoba Ugovornog organa i Prodavca.

## XII. RASKID UGOVORA

### Član 12.

Ugovorni organ ima pravo raskinuti ovaj Ugovor i pravo na naknadu eventualne prouzrokovane štete u slijedećim slučajevima:

1. ako Prodavac ne isporučuje robu u ugovorenom roku;
2. ako kvalitet robe ne odgovara ugovorenom;
3. ako Prodavac ne isporuči robu bez nedostataka, nakon primjedbe predstavnika Ugovornog organa;
4. ako Prodavac iz bilo kojeg razloga izuzev više sile, dođe u situaciju da ne može vršiti isporuku predmetne robe.

Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

## XIII. ZAVRŠNE ODREDBE

### Član 13.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi zahjete za dostavu ponuda ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 14.

Ugovorne strane su saglasne da će se sva korespodencija u vezi sa izvršenjem ovog Ugovora voditi putem svojih ovlaštenih predstavnika koje će imenovati Ugovorne strane odmah po potpisivanju ovog Ugovora.

### Član 15.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, neposredno primjenjuju odredbe Zakona o obligacionim odnosima.

### Član 16.

Ugovorne strane su saglasne da sve eventualne sporove rješavaju sporazumno u duhu dobrih poslovnih odnosa, a u slučaju da sporazum nije moguć, ugovora se nadležnost stvarno nadležnog suda u Sarajevu.

### Član 17.

Ovaj Ugovor stupa na snagu kada ga potpišu i ovjere ovlaštene predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu Ugovora.

### Član 18.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA UGOVORNI ORGAN

Rektor

Prof. dr. Rifat Škrijelj

Broj: 0101-5413-4/17

Sarajevo, 28.09.17

ZA PRODAVCA

Direktor

Kešal Selmanagić

Broj: 582/2017

Sarajevo, 02.10.2017